

Revolucionarni pokret u Petrogradu i 3. Dogadaji koji su u neposrednoj vezi s februarskom buržoasko-demokratskom revolucijom. Unutar pojedinih grupa dokumenti su poredani kronološki. Ipred svake grupe dokumenata sastavljači su dali kao uvod karakteristične izvatke iz djela V. I. Lenjina i Historije KPSS. Ovi citati služe u izvjesnom smislu kao tumačenja dokumenata, koji su uglavnom nastali u redovima neprijatelja revolucije. Sastavljači su pojedine dokumente koji govore o osobito važnim dogadajima (—9. I i demonstracije i štrajkovi 10—14. II) grupirali pod zajedničkim naslovom koji označava sadržaj dogadaja. Uvodni članak za ovu publikaciju dokumenata napisao je G. E. Reihberg.

Drugi prilog koji je štampan u čast 50-godišnjice Oktobra je Pregled letaka koje je izdala boljevička organizacija u januaru i februaru 1917. god., a koji je načinila J. M. Dažina. Pregled je načinjen u obliku križaljke s rubrikama: redni broj, datum izdavanja, naziv, potpis na letku, mjesto izdanja, pismo (štampano, šapirografirano, rukopis) tiraž i mjesto objavljuvanja ili čuvanja.

L. P. Volkov, D. D. Golovanov i K. V. Krestovska u članku »Neka pitanja upravljanja i naučne organizacije rada u arhivima« raspravljaju o planiranju, normiranju, organizaciji, ekonomici i efektivnosti rada u arhivskim ustanovama u Sovjetskom Saveznu.

D. A. Cugajev u članku »Iskustvo publiciranja arhivskog fonda« iznosi način na koji je prvi put u Sovjetskom Savezu objavljen jedan arhivski fond u cjelini. Radi se o gradi Revolucionarnog vojnog komiteta u Petrogradu, koju su u čast 50-godišnjice oktobarske revolucije priredili i izdali Historijski institut AN SSSR, Institut marksizma-lenjinizma pri CK KPSS i CGAOR SSSR.

I. B. Kovalev objavio je 17 pisama Mihajla Likiardopula — ruskog prevođaoca Herberta Velsa, u kojima su sačuvani interesantni podaci o kulturnim prilikama u Rusiji za vrijeme prvog svjetskog rata.

U ovom broju štampano je i nekoliko kraćih rasprava u kojima se raspravlja o problemu izbora građe za trajno čuvanje i koji predstavljaju nastavak diskusije što ju je potakla redakcija nakon objavljuvanja rasprave V. V. Capilina »Teoretska i praktična pitanja vrednovanja dokumenata« (br. 3/1966) i A. V. Jelpatevskog »O naučno-historijskoj vrijednosti personalne dokumentacije« (br. 4/1966). A. I. Kozlova piše o skupljanju i čuvanju dokumentacije iz oblasti građevinarstva, E. P. Romanova o odabiranju računsko-planske dokumentacije, a V. S. Mingalev i E. S. Pajina o valorizaciji i škartiranju personalne dokumentacije.

Pored nekoliko drugih kraćih priloga štampanih u rubrici »Razmjena iskustva« interesantan je i članak G. J. Kamedatove, V. I. Koltovske i V. F. Privalova »Metoda restauracije dokumenata u kojima su sadržana silikatna ljestvica«.

J. Paver

#### DER ARCHIVAR, Mitteilungsblatt für deutsches Archivwesen. Herausgegeben vom Hauptstaatsarchiv Düsseldorf, 20. Jahrgang — Februar 1967 — Heft 1.

Prvi svezak u 1967, kojim se pobliže bavi ovaj prikaz, ima donekle prigodan karakter, i to iz dva razloga: njime se završava 20 godina izlaženja ovog časopisa i bilježi promjena izdavača. Dosad je u podnaslovu kao izdavač stajalo Udruženje njemačkih arhivista, a s ovim brojem izdavanje preuzima Glavni državni arhiv u Düsseldorfu. Časopis je počeo izlaziti na temelju dopuštenja Britanske vojne uprave od 14. XII 1946. Namijenjen prvotno samo Britanskoj okupacionoj zoni, ubrzo je zatim postao neophodna četvrtogodišnja publikacija sa saopćenjima i izvještajima za arhivsku praksu cijele Zapadne Njemačke. God. 1954. dostigao je svoj sadašnji opseg od prosječno 400 špalti velikog formata godišnje i stekao dobru međunarodnu reputaciju.

Prema izjavi Uredništva, promjena je izdavača pravno-administrativne prirode, i ona ništa ne utječe na osnovnu namjenu i karakter časopisa. Između »Archivara« i minhenskog godišnjaka »Archivalische Zeitschrift« kao da postoji podjela rada: kao naučni godišnjak, ovaj je minhenski časopis publikacija »dužeg daha«, koja se u prvom redu bavi arhivskom teorijom, arhivskim istraživanjima i opsežnim sintezama. »Archivare« je, naprotiv, namijenjen u prvom redu saopćenjima iz svakodnevnog života i rada arhiva: osnovni mu je cilj da registriра i poveže napore domaćih i stranih arhiva u svim oblicima njihove djelatnosti, pa da tako omogući maksimalnu cirkulaciju i korištenje stečenim iskustvima. Stoga je za fizičnomu ovog časopisa karakterističan velik broj kratkih ali informativno »nabijenih« napisa u širokom rasponu od donošenja i komentiranja novih arhivskih propisa, pa do personalnih obavijesti.

Iz te specijalne namjene časopisa proizlazi i određena tematska razdrobljenost priloga, ali se među njima ipak mogu nazreti neke starije sadržajne grupe: službena saopćenja i novi propisi; stručna udruženja; savjetovanja i izložbe; njemačka arhivska služba, strano i međunarodno arhivarstvo; pravni problemi službe; dokumentacija; zaštita arhivskog blaga; školovanje arhivista i tečajevi; tehnički problemi arhiva; arhivi i naučna istraživanja, bibliografija, personalije. Najviše prostora otpada na kratku informaciju i prikaze knjiga i časopisa.

Pored standardnih rubrika I sv. 1967. čitavu polovinu prostora posvećuje 43. savjetovanju njemačkih arhiva, održanom u Coburgu u rujnu 1966. Izvjestaj o tom savjetovanju predstavlja svojevrsnu panoramu stanja i problema arhivske službe u Zapadnoj Njemačkoj, i kao takav zavređuje da se ovaj prikaz na nj posebno osvrne.

U govoru pri otvaranju istaknuto je da su od prvog zasjedanja 1899. mnogi stari arhivski problemi riješeni ili su naprsto nestali, dok su se novi javili. Međutim, problem stručnog profila arhivista došao je na dnevni red već na prvom savjetovanju, a ni danas, 67 godina kasnije, nije s njega skinut. U očima javnosti arhivist polako prestaje biti osamljeni čudak, pognut nad starim spisima u nekoj prašnjavačkoj sobici. Današnji razvitak i od arhivistike stvara modernu službu, neophodnu za današnje društvo. Arhivist se danas ne može ograničiti na pomalo zanatsko čitanje, sredovanje i registriranje u stilu arhivista autodidakta iz XIX st. Njemu je potrebna naučna spremna u koju će, pored klasičnih struka, biti uključene i sasvim nove discipline.

Slično je i s problemom tipiziranih zgrada za arhive, gdje nova i najnovija iskustva ruše stare koncepcije, zatim s problemom preuzimanja arhivske građe od administrativnih organa. Ima i sasvim novih pitanja: pitanje novinskih arhiva (kojima se još u doba Breneckea odricao svaki arhivski karakter), pitanje masovnih akata jednolike strukture koji se mogu obradivati i elektronski, uopće moderna masovna produkcija podataka, zatim sasvim novi materijali i postupci kojima se ti podaci registriraju i obrađuju, itd. Suvremeni život postavlja arhivima suvremene zahtjeve, dok su uvjeti koje im društvo pruža više nego zastarjeli. U Njemačkoj sredstva stvorena privrednim usponom tekla su potocima u najrazličitije svrhe, a sve je to mimošlo arhiviste i arhive, njihove budžete i osobna primanja, njihove mogućnosti napredovanja. Oni su i sada (1966), u jeku štednje, opet prvi na udaru. Arhivi nisu »kulturni ukras« niti pogodna štafaža kojom bi se imala dokumentirati briga za kulturu. Njihova je uloga mnogo dublja: oni su most između tradicije i napretka. Na gradi koju arhivi skupe, osiguraju od propasti i rasvijete svojim naučnim radom hranit će se historijska svijest budućih pokoljenja, taj bitni elemenat svake ljudske kulture.

Radni dio savjetovanja odvijao se u sedam stručnih sekcija:

- za arhiviste državnih arhiva
- za arhiviste gradova i drugih područnih tijela
- za crkvene arhive

- za gospoštijske, obiteljske i osobne arhive
- za tvorničke i privredne arhive
- za arhive parlamenta
- za arhive štampe, radija i filma.

Državni su arhivari raspravljali o dvjema temama: o arhivskim novo-gradnjama i o stručnom profilu arhivista. Dr Haase iz Hannovera govorio je o iskustvima u vezi s unutarnjim rasporedom arhivskog prostora, o smještaju čitaonice i izložbene dvorane, zatim uprave, radionica i spremišta (usp. o tome i: »Archivar« 16/1963, 17/1964, 19/1966; zatim: »Archivalische Zeitschrift« 53/1957, 54/1958, 60/1964, 62/1966). U diskusiji su dr Papritz (Marburg) i drugi go-vornici sumirali ova načela za unutrašnje raščlanjivanje arhivskog ambijenta:

1. postoje prostorije u koje javnost ima slobodan pristup: čitaonica, izložbena dvorana i nusprostorije;
2. prostorije u koje korisnik ima ograničen pristup: uprava;
3. prostorije u koje je sasvim isključen pristup korisnika: spremišta i laboratoriji;
4. uz čitaonicu: prostorija s mikročitačem, fonokabineti i daktilo-kabineti;
5. prostorija za predah i boravak spremišnog ili radioničnog osoblja.

U sekciji za arhiviste crkvenih arhiva referenti su naglasili da je funkcija crkvenih arhiva zasnovana na propisima kanonskog prava i papinskoj instrukciji za biskupe i glavare redova. Za katoličke arhive osnovana je biskupska glavna komisija za crkvene arhive, a izrađen je i načrt arhivske uredbe za te ustanove. Kao i za ostale arhiviste, vrijedi i za crkvene da pored naučno-istraživačkog rada nastaje što je više moguće utjecati na uredan rad kancelarija pri svim crkvenim instancama. Posebnom bi uredbom trebalo ovlastiti arhiviste da mogu vršiti određen nadzor nad njihovim radom, kako bi građa u što urednijem stanju pristizala u arhive.

Ova iskustva i prijedlozi njemačkih crkvenih arhivista pokazuju da su tamоšnji crkveni arhivi potpuno uključeni u rad ostalih arhiva i da s njima u svemu, pa i u problemima, drže korak. To je posebno zanimljivo s gledišta naših prilika na ovom području, jer svi ti problemi pred nama tek stoje. Slično se može reći i za privredne arhive. Najaktualnija pitanja ove oblasti jesu: specijalizirane zgrade za privredne arhive, historijat pojedinih firmi kao zadatak tvorničkih arhivara, zatim problem neregularnog nastajanja privrednih arhiva, kao posljedica pravne nereguliranosti i krajnje dinamičnosti privrednog sektora.

Zanimljivim referatima i živom diskusijom odlikovao se i rad sekcije za arhive štampe, radija i filma. O stogodišnjem arhivu lista »Neue Zürcher Zeitung« govorio je dr Brüderlin iz Züricha, dok je o velikom arhivu hamburskog magazina »Der Spiegel« referirao H. Klatte. On je naglasio da se novinski arhivi još moraju boriti za priznanje, jer neki smatraju da velikim dokumentacionim centrima novinskih redakcija ne pripada ime i status arhiva, pozivajući se, istina ne sasvim bez prava, na načelo da arhivska grada mora bezuvjetno imati unikatni karakter. Unikati su, doista, sasvim iznimni među onih 6 milijuna »Spiegelovih« novinskih odrezaka i u onom već famoznom »Spiegelovu« personalnom arhivu od 3 milijuna obavijesti o 200.000 najrazličitijih ličnosti aktivnih na svjetskoj sceni, zatim u golemoj rijeci vijesti novinskih agencija, izvještaja korespondenata, komentara i sl. materijala koji se danomice slijeva u redakciju i njen arhiv. S klasičnom arhivskom gradom to se ne može uspoređivati ni starinom ni unikatnošću. Vrijednost te građe sastoji se u nečem drugom: ona iscrpno i na vrlo zanimljiv način dokumentira neposrednu prošlost i sadašnji trenutak, a praktički pokriva čitav Globus. Kad se radi o neposrednoj prošlosti, onda »klasični« arhivi ne mogu pomoći jer su vezani rokovima javnosti a grada im je i odviše nepregledna za brzu informaciju. Dobro oprem-

ljeni, sistematizirani i vođeni novinski arhivi jesu ključevi svoje epohe. Njima se koriste ne samo historičari nego i druge profesije, ali oni u prvom redu služe samim redakcijama za tekući rad. Pored svih razlika u prirodi i vrijednosti građe novinski arhivi očito imaju istu funkciju kao i »klasični« arhivi. Oni su također svojevrsni magazini informacija koje se skupljaju, sređuju i daju na upotrebu. Nema bitne razlike u radu onih 68 »Spiegelovih« arhivista i njihovih kolega u državnim arhivima.

U vezi s naučnim profilom arhivista diskusija je ukazala na određeno dvojstvo tog poziva. Ranije je arhivist bez muke ujedinjavao u sebi sređivača i popisivača s istraživačem i publicistom. Danas on sve teže dospijeva da se bavi istraživanjem i publiciranjem, osobito novije građe. Neki su predlagali da arhivisti svake pete godine dobiju naučni dopust od jedne godine da bi se mogli posvetiti izvršenju nekog istraživačkog zadatka. I u interesu popularizacije arhiva trebalo bi u kadrovskoj politici više pažnje posvetiti mlađim snagama koje bi se angažirano bavile problematikom novije građe. Tendencija da se rad arhivista usredotočuje na staru građu i na samo evidentiranje šteti popularnosti arhiva, dok istraživački sposobne i perspektivne kadrove apsorbiraju instituti, fakulteti ili privreda.

Unutarnja napetost između administrativnih zadataka i želja nauke, pitanje profesionalnog prestiža i vrednovanja arhivističke profesije u modernom društvu — to bi bili razlozi zbog kojih arhivisti danas razmišljaju o svom stručnom profilu. Taj profil ima i svoju historiju: polovicom XVIII st. tražilo se od arhivara da se upozna s arhivom, da se brine za čuvanje građe, sređuje preuzetu građu i popunjava odgovarajuće registre, da na zahtjev podnosi izvještaje i pri tom »budnim okom pazi na prava svoga gospodara«; da posuđuje građu samo na zapovijed i uz dopuštenje svoga gospodara, a da sam »ništa ne upotrijebi u privatne svrhe«. Mora poznavati historiju, diplomatiku i državno uređenje, odlikovati se radinošću, strpljivošću i ljubavlju prema samoći, diskreciji i vjernosti... Istodobno s tom predodžbom o arhivaru kao o pravno obrazovanom administrativcu koji radi isključivo na očuvanju prava apsolutističkog vladara, javlja se i tip arhivara historičara, doduše, najčešće službenog historičara koji radi po nalogu ili narudžbi. Dok su se ranije spominjali za historiju nezainteresirani arhivisti, koji »čuvaju ključeve raja, a sami u nj ne ulaze«, sad se javljaju arhivari »s nezasitnom sklonosću k pisanju historije«: oni se svojim položajem u arhivu koriste kao mogućnošću neograničenog pristupa građi i kao bazom za svoj publicistički rad. Teoretski se, istina, još u početku XIX st. arhivar smatra osobom kojoj se povjerava sređivanje i čuvanje »javnih svjedočanstava o najsvetijim pravima države«, pod zakletvom na vjernost i čuvanje tajne. U praksi, međutim, arhivar postaje enciklopedijski obrazovano lice, koje osim diplomatike mora poznavati državno, civilno, krivično, ratno i lensko pravo, zatim policijske propise i ekonomiku. Iako je društvo i nadalje slabo honoriralo te kvalitete i cijelokupni rad arhivara, u XIX st. nameće se arhivima vrlo visoki ideali: oni moraju biti općekorisne ustanove, koliko god to dopuštaju viši državni obziri. Rad u arhivima počinje se shvatati kao naučna djelatnost, i oni se sve više povezuju s univerzitetima i akademijama. Arhivari se natječu u naučnom radu s univerzitetским profesorima, a arhivska je služba često spajana s profesurom na univerzitetu. Ova tiha naučna idila u arhivima počinje se gubiti krajem XIX st. Novi zadaci svaljuju se na arhivara, i on počinje zaostajati u naučnom pogledu za svojim univerzetskim kolegama. Arhiv prestaje privlačiti darovite istraživače, i tako nivo još više opada. Uporedo s time jača obilježje arhiva kao administrativnih ustanova.

Slični problemi tište arhiviste i danas: slab socijalni prestiž, inferiornost u odnosu na univerzitete, nepovoljni uvjeti za naučni rad, opadanje nivoa kadrova. Više nego što se bave historijom, arhivisti danas služe historiji. U modernim masovnim registraturama mnogi vide grobare naučnog rada u arhi-

vima. Arhiviste potpuno zaokuplja rukovođenje građom, njihova se pažnja sve više okreće radu uprave i njenim registraturama koje s vremenom treba preuzeti.

To traži određenu prekvalifikaciju: arhivist se mora specijalizirati za obradu masovnih akata koje proizvodi moderni stil rada na svim područjima. Taj materijal traži nove postupke sređivanja, inventariziranja i, što je naj-kompliciranije, škartiranja. Arhivist sve više postaje menadžer koji radi za upravu i za nauku. U tvorničkim i nekim drugim arhivima to ide došte da današnji arhivist opet dolazi u položaj svoga kolege iz apsolutističkog XVIII st.: i on mora bdjeti nad interesima svoga gospodara, tj. firme, i, ako to odgovara gospodarevim — firminim — interesima, eventualno smije postati publicist, sve u službi firme i reklame za njezine proizvode. Razumljivo je da u tim uvjetima na rad tvorničkog arhivara pada sumnja što se tiče naučnosti i neovisnosti njegova rada.

Zbog pojave mnoštva specijaliziranih arhiva danas više nije moguć ni jedinstven stručni profil arhivista, čak se i rad pojedinačnog arhivista sve više diferencira, tako da danas arhivist ne radi nigdje čitavo svoje radno vrijeme klasičan arhivski posao. Kraj toliko praktičnih zadataka danas je gotovo nemoguć učenjački tip arhivista. S druge strane, upravo stalan kontakt s izvorima još najviše privlači mlade darovite ljude u arhiv. Oni i ne slute da ih tamo čeka potpuna apstinacija od vlastitog naučnog rada, uz istovremeno marljivo podupiranje naučnog rada drugih — slično onom poznatom biblijskom volu koji vrši žito na gumnu, ali zavezane gubice. Jedini bi ispravan zaključak bio: da se arhivistima, pored sve većih administrativnih zaduženja, osigura dovoljno vremena za vlastiti naučni rad. Na univerzitetima se opasnost od menadžerstva suzbija povećanjem stručnog kadra i posebnim radnim do-  
pustima. Zašto se to ne bi primijenilo i u arhivima?

Reputacija arhiva kao naučnih ustanova počivala je u XIX st. na dostig-  
nućima pojedinih arhivara učenjaka. I danas bi arhivistima trebalo omogućiti  
da svojim naučnim radom postanu ravni naučnim radnicima srodnih ustanova.  
Time bi se riješilo pitanje socijalnog prestiža ove grane, a s tim u vezi ka-  
drovski, finansijski i drugi problemi arhiva. Budućnost arhivista umnogome  
zavisi od toga hoće li arhiv biti samo privjesak uprave i nauke (a on pokazuje  
tu tendenciju) ili će biti i mjesto ozbiljnog naučnog rada.

M. Križman